

咳嗽

徽宗寵妃苦痰嗽終夕不寐面浮如盤詔內醫李防禦用藥
令供狀三日不効當誅李憂撓技窮與妻對泣忽聞外間
叫云咳嗽藥一文一帖喫了今夜得睡李使人市藥十帖
其色淺碧用淡蘆水滴麻油數點調服李疑草藥性獷或
使臟腑滑泄併三為一自試之既而無他于是取三帖合
為一攜入禁庭授妃請分兩服以餌是夕嗽止比曉面腫
亦消上喜賜金帛直萬緡李念病即安仍索方無以為對
令僕俟前賣藥人過邀飲以百金賂其方乃蚌粉一物新

旧收

生無他長也李給之終身槎菴小乘

某之姪事觀音甚謹遠苦嗽逾月夜夢老僧呼謂之曰汝嗽
是感寒吾有方授汝但用生薑一物作薄片焙乾為末糯
米九芥子大空心米飲下三十丸覺依其言數服而愈癸
志

潘壝曰予夏秋之交火嗽月餘晝夜不輟聲不能伏枕癸殆
群醫皆主故常曰西方金司令肺氣盛耳當瀉或曰久嗽
肺虛當補或曰魚之愈予曰金初司令釋金也火尚未伏
壯火也壯火能燥釋金瀉肺則金愈弱火愈熾此嗽所以
不能止也經曰無違時無伐化又曰無伐生之氣金氣
初生而瀉之伐化也殆于不可況五火相煽肺失清化之

之令補之恐反助火飲之恐不能散火請更思之醫不聽
名主所見饋藥予不敢嘗日飲解毒涼膈散去硝黃加白
木以助胃氣晨服童便不時服梨汁瓜漿各十數杯醫乃
暗投人參五味煎以飲予而予不知也飲之則愈嗽加喘
乃專主已見飲前藥數日火退嗽止而病瘳矣褚記室

漢陽庫兵黃六病痰嗽并喘百藥不効於岳陽遇一道人教
用五味子白礬等分為末每服三錢以生豬肺炙熟蘸末
細嚼白湯下兩服病遂不發

本草綱目

久病乃可服此

越州一學錄少年苦嗽百藥不効或令用南向桑條一束

張子和治東門高三郎病嗽一年半耳鳴三月矣嗽膿血面
多黑點身表俱熱喉中不能發聲曰嗽之源心火之勝也
秋傷于濕冬生咳嗽冬水既旺水濕相接隔絕于心火火
不下降反而炎上肺金被燥發而為嗽金燬既久聲反不
發醫補肺腎皆非也令先備西瓜冰雪等物其次用涌泄
之法又服去濕之藥病日已矣

劉氏一男子年二十餘病勞嗽咯血唾吐粘臭不可聞秋冬
少緩春夏則甚寒熱往來日晡發作狀如瘡瘡寢汗如水
累服麻黃根敗蒲扇止汗自若也又服寧神散寧肺散
止嗽自若也張先以獨聖散涌其痰狀如雞黃汗隨涌
出昏憤三日不省時時飲以凉水精神稍開飲食加進又

與人參半夏丸桂苓甘露散服之不數日乃愈

趙君玉妻病嗽時已十月矣張肅方用陳皮當歸甘州白朮
枳殼桔梗趙以其不類嗽藥張笑曰君怪無烏梅罌粟囊
乎夫冬嗽乃秋之濕也濕土逆而為嗽此方皆散氣除濕
解急和經三服而愈

竇材治一人病咳嗽盜汗發熱困倦減食四肢逆冷六脉弦
緊乃腎氣虛也先灸關元五百壯保命延壽丹二十丸鍾
乳粉二錢間日服金丹百丸一月全安

一人病咳嗽脉沉與上條同但病人怕灸止服延壽丹五十

加灸否則難治

凌漢章治里人病嗽絕食五日衆投以補劑益甚凌曰此寒濕積也次在頂針之必暈絕逾時始蘇命四人分牽其髮使勿傾側乃針果暈絕家人皆哭凌言笑自如頃之氣漸蘇復加補始出針嘔積痰斗許病即除明史

一中年婦人乾咳寸脉滑動似豆狀餘皆散大不浮左大於右每五更心躁熱有汗但怒氣則甚與桔梗不開諸藥不効遂以石膏香附為君芩連青黛門冬瓜蒌仁陳皮炒柏歸梗為臣五味砂仁川芎紫菀為佐凡二十餘帖而安醫

學綱目

崔某療久嗽熏法每旦取款花如鷄子少許蜜拌花使潤納

一升銀器鑄中又用一瓦挽鑄一孔內安小竹筒或筆管亦得其筒少長置挽鑄相合及插筒處皆麝糊塗之勿令泄氣鑄下著炭火少時款冬烟自竹管出以口含筒吸取咽之如胸中稍悶須舉頭即將指頭捻竹筒頭勿令漏烟氣出及烟盡止凡如是五日一為之至六日則飽食羊肉餽饒一頓永瘥

一法不用鑄用有嘴瓦瓶燒藥蓋佳瓶口却以口于瓶嘴吸咽即之尤捷

薛立齋治鴻臚薤龍溪咳嗽氣喘鼻塞流涕用參薤飲一劑

以散寒邪更用補中益氣湯以實腠理而愈後因勞怒仍作自用前飲益甚加黃連枳實腹脹不食小便短少服二

味二劑諸証頓退再用補中益氣加炮薑五味數劑乃全

愈

侍御譚希曾咳嗽吐痰手足時冷以為脾肺虛寒用補中益

氣加炮薑而愈實材以肢冷為腎氣虛

一婦人患咳嗽脇痛發熱日晡益甚用加味逍遙散熟地治

之而愈年餘因患氣勞役前症仍作又太陽痛或寒熱往

來或咳嗽遺尿此肺氣虛也皆屬肝火血虛陰挺痠痺用前散及地黃

九月餘而瘥

裴弟婦咳嗽發熱嘔吐痰涎日夜約五六碗喘咳不寧胸瘥

躁渴飲食不進崩血如涌此命門火衰脾土虛寒用八味

丸及附子理中湯加減治之而愈

查血節

一婦人久咳嗽面色痿黃或時晄白肢體倦怠飲食少思稍
多則瀉此脾土虛而不能生肺金朝用補中益氣湯夕用
六君子湯為主間佐以八珍湯三月餘漸愈後感寒邪喘
嗽胸腹作脹飲食不入四肢逆冷此中氣尚虛不能克皮
毛肥腠理司用圍之所致也遂用六君加生薑及桔梗而
愈

一婦人患勞嗽晡熱內熱寒熱往來作渴盜汗小便頻數其
經兩三月一行此肝脾氣血虛損用八珍湯六味丸各六
十餘劑諸症漸愈其經兩月一行仍用前二藥間以加味

調補復因喪子胸腹不利食少內熱盜汗便血無寐用加
味歸脾湯仍兼前藥而愈

一婦人患勞嗽不時發熱或時寒熱或用清熱之劑其熱益
甚盜汗口乾兩足如炙遍身皆熱昏憤如醉良久熱止方
甦或晡熱至旦方止此陰血虛而陽氣弱也朝用六味丸
料夕用十全大補湯月餘諸恙稍愈更兼以補中益氣湯
兩月餘而愈

錦衣李大用素不慎起居吐痰自汗咳嗽發熱服二陳芩連
枳殼山梔之類前恙不減飲食少思用四物二陳芩連元
參知柏之類前恙甚更加胸腹不利飲食益少內熱晡
熱加桑皮紫蘊杏仁紫苑桔梗之類胸膈膨脹小便短少

與後案宜入肺
癰

用猪苓澤瀉白朮茯苓枳殼青皮半夏黃連蘊子胸膈痞
滿脇肋膨脹小便不通加首陳亭歷喘促不卧飲食不進
診之六脉洪數肺腎二部尤甚曰脾土既不能生肺金而
心火又乘之此肺癰之作也當滋化源緩則不救不信後
唾膿痰復求治曰胸膈痞滿脾土敗也喘促不卧肺金敗
也小便不通腎水敗也脇肋膨脹肝木敗也飲食不化心
火敗也此化源既絕五臟已敗藥豈能生已而果然
慈客姚荃者素鬱怒年近六十脾胃不健服香燥行氣飲食
少思兩脇脹悶服行氣破血飲食不入右脇脹痛喜用手

藥四劑諸症頓退彼以為愈曰火令在適當補脾土以保肺金彼不信後復作另用疾火之劑益甚求治左關右寸滑數此肺內潰矣仍不信服前藥果吐穢膿而歿

一儒者每至春咳嗽用參蘇飲之類乃愈後復發仍用前藥及喉瘡左尺洪數而無力此腎經陰火刑剋肺金以六味丸料加麥冬五味炒山萸及補中益氣湯而愈

嘉興周上舍每至夏患咳嗽服降火化痰之劑咳嗽益甚脾肺腎脉皆浮而洪按之微細此脾土虛不能生肺金肺金不能生腎水而虛火上炎也朝用補中益氣湯夕用六味池黃丸而痊後至夏遂不再發

一婦人不得於姑患咳胸膈不利飲食無味此脾肺俱傷痰鬱於中先用歸脾湯加山梔撫芎且母桔梗諸症漸愈後以六君加芎歸桔梗間服全愈

一婦人咳嗽早間吐痰甚多夜間喘急不寐薛謂早間多痰乃脾虛飲食所化夜間喘急乃肺虛陰火上衝遂用補中益氣加麥冬五味而愈

一婦人飲食後咳嗽脇痛或用清氣化痰降火等劑久不愈更加內熱晡熱若兩脇或小腹內熱其嗽益甚小便自遺此屬肝經血虛火動用六味丸加五味子滋腎水以生肝

脾土滋化源使金水自能相生時孟春不信乃服黃柏知
母之類至夏吐痰引飲小便頻數面目如緋薛以白朮當
歸茯苓陳皮麥冬五味丹皮澤瀉四劑乃以參耆熟地山
茱為丸俾服之諸症頓退復請視以為信遂用前藥如常
與之仍泥不服卒致不起

陸養愚治吳氏妾寡居夜熱以煩勞感冒乾咳無痰醫與疎
風藥反增嘔惡更以二陳症不減而夜不能寐若失神志
煩亂不安脉之沉弦而數曰乾咳乃火鬱之甚最為難治
况寡居多年其鬱可知雖有風寒但于調氣養血用鬱清
熱中微加疎散若竟發其表升動陰火則病及甚重以二
陳之燥宜其煩亂不寐神志如失也用清氣養榮湯加黃

升今時師方云
此二味實所不解

芩前胡薄荷杏仁蘓葉二劑。咳吐煩悶俱減。第睡未安。脉
微浮而數。去蘓葉。前胡杏仁加貝母。知母。山巵。杏仁。竹茹。
大棗二劑。諸症俱愈。但四肢懈怠。氣乏不足。以息。脉浮數。
而弱。此虛火已平。真氣衰乏之候。仍用前湯加貝母。杏仁。
更入人參一銖五分。數劑而愈。

陳曙倉室。咳嗽。或時純血。或時純痰。或時痰血相半。夜熱頭
眩。胸膈不舒。脚膝無力。服滋陰降火藥已半年矣。飲食漸
少。精神漸羸。脉之兩寸關沈數有力。兩尺濡弱微浮。此上
盛下虛之症也。上盛者心肺間有留飲。痰血下虛者肝腎

清血止後以清氣養榮湯與固本丸間服三月後病痊而孕

陸肖愚治吳遜齋患咳嗽身熱脇痛日輕夜重寢食俱廢咸以年高病重為慮脉之左手浮弦右手弦滑曰此病極輕何必憂疑特內有食積痰飲外感風邪所致也少為消導疎散即愈矣用蘊葉柴胡以解其表青皮白芥以治其脇桑皮前胡杏仁以治其嗽陳皮半夏以清其痰山查枳實以消其食二劑而減四劑脫然

陸祖愚治費表母生平酒飲多而穀食少釀成痰火每至五鼓則疾作喘嗽頻併氣逆息粗不能伏枕由來久矣年近七十旬其疾大發日夜昏暈數次四肢厥冷自汗如洗形容

又見虛損

瘦削六脉如絲或與清火清毫不應乃用附子理中料密
丸淡鹽湯服以助下元另以知母貝母桑皮葶黃湯徐
含嚥清其上膈數劑嗽稀喘止肢溫汗斂再用十全大補
湯料丸服數十年痼疾從此遂瘳

陳三農之室遇夜嗽甚多痰作陰虛火動以四物換生地加
知母貝母姜仁杏仁麥冬五味二劑而愈

孫文垣姪婦喉中揪更痒咳嗽紅痰兩寸關洪大內熱生瘡
山危小蘗生地丹皮滑石青皮麥冬甘竹黃連姜仁水煎
服血止嗽除後遇勞心即咳嗽喉中血腥總由上焦熱盛